

111/71

Zunft Hottingen (ZM HERBERT Neher)

KINDERDELEGATION SECHSELÄUTEN 1999

HOCHGEACHTETE HERR ZUNFTMEISTER
HOCHGEACHTETI ZÜNFTER UND EHRENGÄST
VO DE ZUNFT HOTTINGE
LIEBI SECHSILÜTEFRÜNDE,

MIR ÜBERBRINGED IHNE DIE BESTE GRÜESS
VO EUSEM ZUNFTMEISTER PETER SCHNEIDER
UND DE GANZE ZUNFT SCHWAMENDINGEN US EM
GLOGGEHOF. MIR WOISCHED IHNE ES BÄUMIGS
UND IDRÜCKLICHS SECHSILÜTE.

IHNE HERR ZUNFTMEISTER GRATULIERED MIR
ZU IHRER WAHL ALS ZUNFTMEISTER. ES ISCH
GUET, DASS WIEDER EMAL EN ALTGEDIENTE
VORSTEHER ZUM ZUNFTMEISTER GWÄHLT WORDE
ISCH. DÄNN ZU DENE QUERISTIEGER, WIE
SIE I DE POLITIK UFTRETET, HÄMMER KEI
VERTAUE MEH.

MIR DRÜ MEITLI SIND HALT NO Z'JUNG
UND CHÖND NÖD WÜSSE ÖB SI BI IHREM
ZUNFTITRITT 1979 DE KARRIERE-START
VERPASST HÄND ODER ÖP ZOIFTER SIE NO
CHLI HÄND WELLE TESTE. VIELLICHT HÄNDS
AU ANGST GHA VOR IHREM GSCHLIFFENE
MUNDWERK. ABER MIR GLAUBED ES ISCH SCHO

RECHT USECHO.

ES ISCH FÜR EUS HALT SCHÜLI SCHAD, DASS
MIR NO SO JUNG SIND. SO ISCHES EUS VER-
WEHRT, MIT IHNE EN GUETE FRANZÖSICHE WY
ZTRINKE ODER GANZ EDEL GO ZTAFLE. AU
IHRI NEUSTE WITZ DÖRFED SIE EUS HALT
NÖD VERZELLE, SUSCH HÄD SIE GRAD EN
PROZESS AM HALS. DET CHÖNTET SIE IM
BESTE FALL NU VOM ZWEITBESTE AWALT
VERTEIDIGT WERDEN.

WÄNN SIE WITERHIN SO GUET ESSED UND
TRINKED UND ALLI VERPFLICHTIGE VOM
ZUNFTMEISTER MITMACHED, GAHTS GLIE LOS.
D'HOSE E CHLIE USLAH -- NEUI HÄMPER
CHAUFE -- D'SCHNIEDERI SELL VERBIICHO,
DE TSCOPE PASST NÜMME. SIE WÜSSED WAS
MIR MEINED. IHRI TOLLI FIGUR WIRD MIT
SICHERHEIT NÖD CHÖNE BESTAH UND SIE
WERDET GANZ EM AMT ENTSPRECHEND EN
CHLINE RANZE ÜBERCHO.

MIR WOISCHED IHNE ES TOLLS FEST UND
ÜBERGÄND IHNE ES SCHÄCHTELI SCHWAMEN-
DINGERLI.

15.3.99/RT

H. P. Schneider

7 Seiten Sechsel 99

Zunft ST. NIKLAUS

KINDERDELEGATION SECHSELÄUTEN 1999

**HOCHGEACHTETE HERR ZUNFTMEISTER
HOCHGEACHTETETER HERR BUNDESRAT
LIEBE ZUNFT ST. NIKLAUS
LIEBI SECHSILÜTEFRÜNDE,**

**FREUDE HERRSCHT --AU BI EUS, WILL MIR
DA IN OERLIKE EN BUNDESRAT UF DE STUBE
VO EUSERE GÖTTIZUNFT CHÖND BEGRÜSSE.**

LIEBE HERR ZUNFTMEISTER

**MIR ÜBERBRINGED IHNE GRÜSS VO EUSEM
ZUNFTMEISTER EM PETER SCHNEIDER UND
VO DE GANZE ZUNFT SCHWAMENDINGEN UND
DE GÄST.**

**WÄNN SIE GMEINT HÄND, ES CHÖMED DAS
JAHR NACH EM JAHRELANGE REDNER MARCO
STEINER ÜBERHAUPT KEI STEINER VO
SCHWAMEDINGE ZU IHNE UF STUBE, SO HÄND
SIE SICH SCHWER TÜSCHT.- MIR DREI -
SIND AUCH STEINER UND CHÖND EBESOGUET
UFDREHE WIE DE MARCO.**

WÄNN MIR UF'S LETSCHTI SÄCHSILÜT Z'RUGG

LUEGET, DÄNN WÜSSED MIR, WARUM IHRE POSCHTE ALS ZUNFTMEISTER SO NERVEUFRIEBEND ISCH.

MIT EM SPRECHER WO SIE EUS IN GLOGGEHOF GSCHICKT HÄND, HÄMMER FASCHT KRACH ÜBER CHO. DASS ER NÖD US DE STUBE GFLOGE ISCH, HÄT ER NUR EUSEM GUTMUETIGE ZUNFTMEISTER Z'VERDANKE. DÄ ISCH HALT KLEVER UND GAR NÖD HOHL.-- FAIRERWYS SÄGED MIR AU LUT UND DÜTLICH, DASS SICH DÄ SPRECHER A EUSEM NÄCHSTE BOTT TADELLOS GLÖFFLET HÄT UND DIE SACH WIEDER IGRÄNKT ISCH.

SO BLEICH WIE SIE HERR ZUNFTMEISTER NACH EM SECHSILÜTE USGSEH HÄND, NÄMMED MIR AH, DASS IHNE DIE GSCHICHT UF DÄ MAGE SCHLAGE HÄT.

DAS ISCH ABER NÖD S'EINZIG GRANDIOS ERLÄBNIS MIT DE NIKLAUSE GSI AM LETSCHTE SECHSILÜTE.

BIM ABMARSCH VOM SECHSILÜTEPLATZ RITTET EUE RITTERCHEF MIT SINE ROSS I EUSI ZUNFT INNE. BIM BÜRKLIPLATZ DRUCKT ER EUSI KIND AN LINGE STRASSERAND UND ZWÄNGT SICH DURE. WÜSSED SIE WIE DAS FÜR EN ZWEIKÄSEHOCH ES KOMISCHES GFÜHL ISCH NÄBED DEN GROSSE ROSS? MIR HÄND ANGST GHA !! VOR ALLEM WILL MIR NÖD GWÜSST HÄND, ÖB EUE RITTERCHEF BESSER

CH RITE ALS DÄNKE.

**WO DÄNN ER DÄNN NO HOCH ZU ROSS
ABESCHREYT: "D'SCHWAMEDINGER SIND
Z'FRUEH ABMARSCHIRT" - -
WÄR ER BALD ZUM FUSSGÄNGER WORDE ODER
HETT I DE LIMMET CHÖNE GO BADE. ES
MUESS EN GRAUSAM GSTÖRT HA, DASS ER
HINDER DE SCHWAMEDINGER HÄT MUESE RITE.**

**HERR ZUNFTMEISTER MIR HÄND ÄCHT MITLEID
MIT IHNE, DASS SIE SICH SOTTIG MÜSTERLI
US IHRNE REIHE MÜND AHLOSE. ABER IM
VERGANGENE JAHR ISCH HALT KEIN
ZUNFTBALL MIT FÜRWEHRISATZ GSY, WO MER
SIE SO SCHÖN HÄND CHÖNE UF D'ROLLE
SCHIEBE.**

**LIEBE GÖTTI ZUNFT, LIEBE HERR BUNDESRAT
MIR WOISCHED IHNE UND IHRNE GÄSCHT ES
BÄUMIGS FEST UND E TOLLI STIMMIG UF DÄ
STUBE UND ÜBERGÄND IHNE DA ES CHLISES
PRÄSENT VO SCHWAMENDINGEN.**

10.3.99/R.T.

ZUNF ZUR WAAGE (ZM JÜRIG ZEHNDER)

KINDERDELEGATION SECHSELÄUTEN 1999

HOCHGEACHTETER HERR ZUNFTMEISTER,
HOCHGEACHTETI HERR ZOIFTER UND
EHRENGÄST,
LIEBI SECHSILÜTEFRÜNDE,

MIR ÜBERBRINGES IHNE DIE BESTE GRÜESS
VO EUSEM ZUNFTMEISTER PETER SCHNEIDER
UND DE GANZE ZUNFT SCHWAMENDINGEN US EM
GLOGGEHOF. MIR WOISCHED IHNE ES BÄUMIGS
UND IDRÜCKLICHS SECHSILÜTE.

HERR ZUNFTMEISTER MIR SIND NÖ DA, WILL
MIR E STELL SUCHED, SONDERN MIR CHÖMED
UM IHN ZGRATULIERE ZU IHRER WAHL ZUM
ZUNFTMEISTER. MIR WOISCHED IHNE VIEL
FREUD UND VIEL NEUE FRÜNDSCHAFTE I IREM
AMT.

MIR HÄND ZWAR GSEIT MIR WELLED E KEI
STELL, ABER WÄNN MIR IN BETRACHT ZIEHND,
DASS SIE 20 VORSTEHERJAHR BRUCHT HÄND,
BIS SIE ZUNFTMEISTER WORDE SIND, MÜESS-
TET MIR HÜT SCHO EUSI BEWERBIG ABGÄH.

INSKÜNFTIG WERDET IHRI VORSTEHERSITZIGE
SICHER NÜMME DA I DE WAAG STATTFINDE,
SONDERN UF EM GOLFPLATZ. WÄNN SIE SO

MIT IHRER VORSTEHERSCHAFT ÜBER VERSCHIEDENI GOLFPLÄTZ RENNED, GSEHT DAS A GANZ GUET UNS UND B CHÖND SIE IHREM NACHFOLGER I 8 JAHR E TOPFITI VORSTEHERSCHAFT ÜBERGÄH.

ABER AU DAS PROBLEM MIT EM PARKIERE UF EM MÜNSTERHOF, WENN POLIZEI GRAD ALLI AUTO ABSCHLEPPT, ISCH SO US DE WELT. AU S'AUTO VOMENE WAAG-ZUNFTMEISTER WIRD NÄMLICH INKÜNFTIG ~~AU~~ ABGSCHLEPPT.

MIR WOISCHED IHNE ES TOLLS FEST UND ÜBERGÄND IHNE ES SCHÄCHTELI SCHWAMEN-DINGERLI.

15.3.99/RT